



KOMUNIKADU IMPRENSA

Centro Chega! Disemina Informasaun kona-ba Arkivu no Muzeu Chega! Ba Dosente no Estudante UNITAL

(Dili, 17 Feveiriu 2025), Centro Nacional Chega! Instituto Publiku (CNC I.P) halo ona diseminasaun informasaun kona-ba Arkivu no Muzeu Chega! ba dosente no estudante sira iha Universidade Oriental Timor-Lorosa'e (UNITAL). Objetivu husi atividade ne'e mak atu introdúz kontiúdu Arkivu no Muzeu Chega! ba dosente no estudante sira atu bele hatene. Atividade ne'e realiza iha Salaun UNITAL, Becora, Dili ho partisipante hamutuk ema na'in 165.

Objetivu seluk husi atividade ne'e mak atu hatan ba objetivu jeral Centro Chega! nian mak **“Memória istórica prezerva no promove, sociedade iha koñesimentu kona-ba istória no sensível ba valór direitos umanus”**, enkuantu objetivu spesífiku mak **“Narrativa kona-ba memória istórica ne'ebé halibur, arkiva no asesível”**.

Diseminasaun informasaun ne'e hanesan plataforma ida husi programa Memorializasan Integradu ne'ebé ho objetivu atu la repete filafali violasaun pasadu nian ho mekanizmu sira mak, harii plataforma ba ema no comunidade husi parte etnik-kulturál no política sira atu fahe sira nia istória no envolve comunidade iha di'alogu no memorializasaun. Atu prezerva memória istóriu liu husi arkiva no disemina narrativa sira ba publiku. Atu fasilita prosesu kompriensaun komun kona-ba política no programa sira oinsa mak utiliza memória istóriu sira.

Arkivu Centro Chega! I.P nu'udar rezultadu koleasaun dokumentu sira dezde periodu CAVR (2001-2005), Sekretariadu Tekniku Pos CAVR (2005 - 2008) no kontinua ba mandatu Centro Chega! I.P ne'ebé hahú iha 2017 to'o agora. Centro Chega! I.P mos konsege prezerva dokumentu liu rihun limanulu, kompostu husi dokumentu papeis, fotografia, video no audio. Dokumentus hirak ne'e administra husi Divizaun Prezervasaun no Memorializasaun (DPM), partikularmente Departamentu Arkivu.

Dokumentu hirak ne'e, kontein narrativu aktu violasaun direitos umanus durante periodu 1974 – 1999, inklui dokumentu sira iha kategoria rekonsiliaun komunitária,



Centro Nacional Chega! I.P



Da Memória à Esperança

perfile comunidade, julgamentu prozoneiru polítiku, victim statement, masakre, korespondensia sira husi comunidade internasionál sira kona-ba konfliktu iha Timor-Leste, relatóriu ofisiál no ajensia internasionál ne'ebé uluk mai vizita iha periodu invazaun Indonézia nian.

- Remata -

Ba informasaun liu tan kontaktu:

Raimundo Sarmiento Fraga

Ofisiál Média no Komunikasaun

Email: rsfraga@centrochega.gov.tl

Nú. kontaktu: 7874 0345

Boilerplate

Centro Nacional Chega! I.P, *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabelese ho dekretu Lei n.º 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeito ba direitus umanu". Nia misaun mak: "Hari sentru Pós-konfliktu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne'ebé relevante".